



SULEQATIGIISITSISUT
SAMARBEJDSPARTIET

UKA 2018/164
Tillie Martinussen
25. oktober 2018

(Inatsisartunut ilaasortaq Peter Olsen, Inuit Ataqtigii)

Naalackersuisut kingusinnerpaamik UKA2019-imut inatsisunik atuuttunik allangortitsinissaq pillugu siunnersuummik saqqummiussinisaat, taamaaliornikkut eqqumiitsuliornermut aningaasaateqarfimmik pilersitsinikkut eqqumiitsuliornermut aningaasaliissutinik tamanik agguassinermi attuumassuteqannginnissamik pilersitsinissaq periarfissineqarsinnaanissaat ilanngullugu Inatsisartuni aalajangiiffigisassatut siunnersuut.

(Inatsisartunut ilaasortaq, Tillie Martinussen, Suleqatigiissitsisut)

Qularutissaanngilaq eqqumiitsuliorneq kulturilu inuiaqatigiinni inooqatigiinnikkut aningaasarsiornikullu atatitsisuummat. Nunani allani iluatsitsinerit nalliussisinnaavagut aamma nunatsinni eqqumiitsuliorneq kulturilu tunngavigalugit.

Filmi Anori piffissami matumanerpiaq nunani allani, nersornaatiseqattaarpoq, Danmarkip ilisarismalluarpa Julie Berthelsen aamma Simon Lyngø USA-mi ilisimaneqaleriartorpoq. Assilialortartut Danmarkimi saqqummersitseqattaarput, atuakkiortoqarpugut nunani 120-ni saqqummersitsisartunik aamma atuakkiortut Nunani Avannerlarni akissarsitineqartarput.

Danmarks Radiomi takusinnaavagut titartakkat aalasut, Kungikkormiut akuttunngitsumik isiginnaartinneqartarput, aamma nunani allani isiginnaartitsisoqartarpoq - innuttaaqatitta filmit qitinnerillu, isiginnaartitsinerit atuakka, taallimat saqqummersitsinerillu alutorsaatisarfaat. Wauw.

Eqqumiitsuliorneq nukittoorujuuvoq ullugut naliginnaat kusassartarlugit, pinniitsuni pinnermut nuisittarfaat, paqumigisat oqallisigisarfaat, inuunerup equngasortai oqaluttuarisarpai, misigissutsit eqqarsaatillu aalassattittarpai.

Qassiullutamita eqqarsaatigisarpagut kunissuunnerit erinarsuutit tusarnaaraagatsigit, atuagaq ajornartorsiornitsinni ikorfartuisorisimasarput, qalipagaq assiuterput imaluunniit inuit asasatta misigisaqatigisimaneri, attortilluta nipinit, qaamanermit, nipilersuummit, qitimmit aamma taallianit.

Eqqumiitsuliornerup allat sapingaannik attortarfaatigut.

Pingaarnerpaavorlu; eqqumiitsuliornerup kulturi attappaa..

Nunarsuup oqaluttuarisaanerani, maani naalagaaffiit asiusarput, kukkunersuineq mumittarpoq, politikertut inuuneq aamma eqqumiitsuliornermit isornartorsiorneqartarpoq.

Sulqeatigiissitsisuni isumaqarpugut pingaarnerpaasoq - aamma pisariaqarluinnaqqissaartooq - eqqumiitsuliornerup piunnarnissaa aamma ikorfartorneqarnissaa.



SULEQATIGIISITSISUT
QAMARSJODSPARTIET

Qularnaartariaqarparput eqqumiitsuliornerup tamakkiisumik pissarsiviginissaa aamma pisariaqartillugu aningaasarsiornerup silarsuaani eqqumiitsuliorneq. Pissanganarluinnarsinnaavoq aallarnisaasarneq eqqumiitsuliornerlu ataatsimoortinneqarsinnaasuuppata, inuutissarsiortut, eqqumiitsuliortut kulturilerisullu nunami maani naapitsillugit aamma pisartut allat nalinnaannngitsut.

Eqqumiitsuliorneq politikkerfiussanngilaq, anusingornaqaaq - attuumassuteqarfiussanngilaq, soorlu uani siunnersuutigineqaraluartutut.

Taamaasilluta siunnersuut ilalerparput, siunnersuutigalugulu, amerlanerunik aningaasaliisoqassasoq, eqqumiitsuliornerup inuiaqatigiinnut tamanut siammaqqullugu aamma siunnersuutigaarput kulturitsinnik napatitsisut immikkut kontoqassasut, soorlu Nunatta Isiginnaartitsisarfia, sannaviit, eqqumiitsuliornermut ilinniarfik il.il. suliniutit pitsaalluinnartut.

Tamanna pissutigalugu siunnersuut ingerlateqqipparput ataatsimiititaliamut susassaqartumut oqallisigilluaqqullugu.